



buerat, quaeque non prius votorum suorum rea facta est, quam ubi medico, omnem coitum post conceptionem interdicens, quamvis inuita, tamen obtemperabat. Idem nobilem narrat virum duas uxores enecasse, quod, suadente id eo consilio obstetrice, ut partum ipsis redderet faciliorem, versus grauiditatis finem paulo ardentius eas amplexus fuerat. Quod si in causas inquirimus, ob quas illis incommodis obnoxius sit, eas videbimus faciles esse ad inueniendum. Abdomen enim in coitu cum comprimatur, vterus, a foetu iam tumidus, inde non potest non in huius compressionis fecietatem venire, atque in vaginam descendere, vnde repetitis ictibus a pene, praecipue viri bene armati, versus superiora iterum truditur. Vasa porro vteri, per grauiditatem sanguine turgentia, ex irritatione, ab admissio pene producta, magis sanguine replentur; vnde obstructions, inflammationes, scirrhus vteri, vel certe spastica vteri contractione, abortus, originem trahent suam *). Quod ultimo nominatum est loco malum, facilius accidet, si coitum mulieres patiuntur primis vltimisque gestationis mensibus, quam si media grauiditate idem fecerint: in illis nimirum oui, vterum replentis, cohaesio cum matre aut perexigua aut nimis laxa est. Interim tamen et ad feminae temperamentum respici debet, nisi in diiudicanda eiusmodi coitus ratione a vero aberrare velimus. Quae enim lasciuia, et valde sensilibus praedita neruis fuerit, multo facilius inde abortui obnoxia erit, quam phlegmatica, quae eo lusu neque multum delectatur, neque magnopere commouetur. Praeter allata denique incommoda, coitum, vltimo grauiditatis tempore celebratum, ad peruersum situm infantis eiusque difficilem exitum facere omnino posse, quilibet facile intelligit.

Medicina grauidarum prophylactica.

Etiam si mater futura neque de grauioribus incommodis conqueratur, neque eius actiones vitales a foetus, vtero inclusi, pon-

*) Vid. Diss. medicae select. Pragenses, Vol. I. diss. 15. pag. 237. seq.